

Date – 17/05/2012

Time - 7:30 - 7:40Hrs

REGIONAL NEWS BULLETIN

HEADLINES (MORNING)

- Chief Minister Pu Lal Thanhawla'n Zirlai pawlte'n zirlaite hmakhua ngaia hma an lak phawt chuan sorkarin a thlawp zel dawn a ti.
- NLUP hnuiaia bawng vulh thlangtu te hnena bawng semchhuah 522 zinga 27 a thi tawh a, bawng thi neitute chu pek leh dan ngaihtuah a ni dawn.
- Kumin sorkar kum kalmeka sum hman tur hruahmanna hrang hrang Appropriation Bill leh Finance Bill Parliament-in a pawm.
- France Prime Minister atan Jean-Marc Ayrault lakluh a ni.

<><><>

CHIEF MINISTER AT MSU FELICITATION PROGRAMME

Chief Minister Pu Lal Thanhawla'n Zirlai pawlte'n zirlaite hmakhua ngaia hma an lak phawt chuan sorkarin a thlawp zel dawn a ti.

qNimina Mizo Students' Union (MSU) in kumina pawl 12 result tihchhuah taka Mizo ti\hate chawimawina hun, Aizawl Vanapa Hall-ah a buatsaih ah he thu hi sawiin, Chief Minister chuan, kawng hrang hrangah sorkarin \halaite tan khawvel thar a siamsak mek a ti a, infiamna lam bakah zirlai chhawr tlak chher chhuah nana Education Reforms Commission-in rawtna a siamte tihhlawhtlin thuai anih theih nan sorkarin sum mamawh tur a dap mek tih a sawi a. Zirna chu eizawna siamsak theitu leh hnathawh tur pawchhuak thei tur zawnga kalpui dan sorkarin a ngaihtuah chho mek reng tih a sawi bawk.

Zirlai ti\hate chawimawina hunah hian kumina UPSC Exam-a hlawhtling Lalrinpuii Hrahsel pawh chawimawina thilpek MSU chuan an hlan a ni.

<><><>

LUNGLEI JSSK TRAINING

Lunglei Dist-ah naupiing 1000 zinga 42 chauh an dam ni a chhinchhiah a nih avangin, Raicheh leh nausen thi pumpelh a nih theih nana sorkar laipuiin ruahman thar a siam Janani Shishu Sraksha (JSSK) hman a ni dawn a, an Dist.a hman tur JSSK

chungchanga hriat tur pawimawh hrang hrangte nimin khan zirho a ni.

He scheme hnuaiah hian raipuar leh nausen te hamthatna tur thil hrang hrang duan a ni a, a thlawn veka thil tih tur anga sawi erawh a nihna ang diak diaka kalpui theih a nih a beiseiawm loh thu CMO Dr. F. Lallianhlira chuan a sawi a ni.

Lunglei Dist-a nausen thi an tam na chhan hi khawthlanglam Chakma te chen tamnaa nausen thi an tam vang nia sawi a ni a. JSSK hnuaiah hian Sorkar damdawi In-a nau neite chu an kalna leh haw man bakah senso dangte sorkar-in a tumsak zel tawh dawn a ni.

Training-ah hian Lunglei Dist-a damdawi In hrang hranga Medical Officer leh Nau neih theihna tur Sub. Centre thlan bik 24-a Health worker te an tel a ni.

<><><>

#### KOLASIB JOB CARD

Kolasib Dist. chhunga Job Card thar siam turin tunlai hian Kolasib DRDO chuan hma a la mek a, nimin a\ang khan Job card diltu chhungkuaah sorkar hnathawk an awm leh awm loh enfiahin in hrang hrangah an lutlawr \an a ni.

Kolasib-a kan corr. Andrew Vanlalauva sawi danin, Job Card thar siam anih dawn avang hian Kolasib Dist.-a Job Card nei zawng zawngt'n an Job Card-te Village Employment Council (VEC) hnenah an theh lut vek tawh a, a thar siam dilna pawh an theh lut tawh baw a, heng dilnate hi VCP kaihruai VEC chuan a enfiah mek a ni.

Kolasib Dist. chhunga Oil Palm chin zatte pawh tunlai hian chhiarpui neih mek a ni baw a. Kolasib DAO hnuaia SDAO leh Circle hang hranga thawkte'n Oil Palm ching tura la chhuakte'n an chin ngei leh chin ngei loh enfiahin, record-a a lan dan nen a inmil em tih an endik mek a ni.

<><><>

#### MIZORAM RMSA'S DOING WELL

Ministry of Human Resource Development-in State hrang hranga RMSA Mission-te hnena sum an pek chhuah dan leh sum hman a tarlanah Mizoram chu India hmarchhaka sum dawng hnem pawl anih bakah a a hmang \ha pawl a ni tih tarlan a ni.

Mizoram hian kum 2009-2010, 2010-11 leh 2011-12 chhungin Cheng vbch 71 leh Nuai 72 a hmu a, hemi hun chung tho hian Meghalaya-in Cheng vbch 13 leh Nuai 45, Nagaland-in vbch 44 leh Nuai 44, Tripura-in vbch 42 leh Sing 7, Arunachal Pradesh-in vbch. 47 leh Nuai 51, Manipur-in vbch 81leh Sing 3, Assam-in vbch 109 leh Nuai 16 an hmu tih tarlan a ni a. Assam leh Manipur tih lohah chuan India hmarchhakah Mizoram in Ministry a\angin sum a hmu hnem ber a ni.

Sum hmanna lamah pawh Kum 2011 December thla tawp thleng khan Mizoram chu a hmang tha pawl a ni bawh a. Mizoram hian sum a hmuh zawng zawng atangin kum 2009-2012 chhung hian zaa 63 a hmang hman a, chu chu India ram puma State hrang hrangte sum hman dan a\anga thlirin pathumna a tling phak a ni. Fund utilization ah hian India ram pumah Haryana chu Mizoram chungah an awm a, a bak state dang zawng 33 chu Mizoram hnuaiiah vek an awm a ni.

<><><>

## NLUP - Cows

NLUP hnuaiiah bawng vulh thlangtu te hnena bawng semchhuah 522 zinga 27 a thi tawh a, bawng thi neitute chu heu lova pek leh dan ngaihtuah a ni dawn.

He thu hi NLUP Implementing Board leh Vety Department hotuten nimin khan Aizawla chanchinthar lakhawmtute an hriig a, NLUP Implementing Board Vice Chairman Pu PL Thanga'n bawng thi tan hian Cattle Insurance buaipui mek anih thu a sawi a, bawng a thih avanga a dawngtute an heu lohna tura ruahmanna an siam pawh NLUP Apex Board ah thlen thuai a ni dawn tih a sawi a ni.

NLUP Implementation Board leh Vety Department hotute chuan tunhnaia NLUP hnuaiiah Bawng thih chungchang sawifiahin, Bawngpui zingah hian 58 an thi tawh a, heng zingah hian kawng laka thi 43 an awm a, a dahkhawmna hmunah 16 an thi bawh a, kawng laka thite hi a phurtu Contractor-te mawh a nih thu sawiin bawng zingah Ludhiana a\anga lak zingah thi an tam avangin tihtawp lailawk rih anih thu an sawi bawh a ni.

NLUP hnuaiiah ran vulh buaipuitute chuan Assam leh Meghalaya a duh ang tawh Bawng lei tur a awm tawh loh avangin Haryana leh Punjab atanga lak anih thu te, an thih chhan hi kawng a thui tham avanga chau ten natna an kai awlsam avangte leh chaw tha an hmuh tawh loh vang niin an sawi bawh a, an natna vei Foot and Mouth Disease chu an endik hnuah, he natna hi anmahni lakna hmun atanga kai sa ni lovin, Mizoram an thlen hnuah kai zawk ni a hriat a ni a, hei pawh hi an taksa chak tawh loh vanga kai ni a rin a nih thu an sawi bawh a ni.

<><><>

## MPYCC NEW PRESIDENT

Congress party thalai, Mizoram Pradesh Youth Congress Committee Headquarters President thar C. Lalawmpui'n nimin khan a hna thar a chelh a, ani hi Mizorama Congress thalai hmeichhe President hmasa ber a ni.

Nimin khan MPYCC President kalchhuak Albert Lalthlamuana hnen atangin 'charge' a la a. Hemi rual vek hian Vice President thar P.C. Lalthanmawia'n C. Lalhimpuia hnen atangin Vice President 'charge' a la nghal bawh.

MPYCC inthlanna hi an party dan thar angin, kum 1 dawn kalpui a ni a, block level atana tan niin, he inthlanna hi Indian Youth Congress in a huaihawt a ni. MPYCC hian a din tan atangin President 10 nei tawhin tuna

president thar hi 11-na a ni a C. Lalawmpui hian hemi hma hian MPYCC-ah vek Treasurer hna a chelh a, India rama KVIC Certificate zone ruk-a member paruk (6) an ruat thar zingah India hmarchhak zone aiawh turin ruat anih bakah State Transport Authority(STA) member niin, Mizofed Board of Directors-ah board member a ni bawk.

<><><>

#### PARLIAMENT APPROVES APPROPRIATION BILL & FINANCE BILL FOR 2012

Parliament chuan kumin 2012 chhung a sum hman tur hrang hrang ruahman leh duanna Appropriation Bill leh Finance Bill chu hman theih turin a pawm.

Kum 2012 atana Appropriation Bill leh Finance Bill hi kar kalta khan Lok Sabha-ah passed a lo ni tawh a, nimina Rajya Sabha-a passed anih leh hnuah, hman theih nghal turin Parliament chuan a pawm a ni.

Appropriation Bill leh Finance Bill nimina Rajya Sabha-a sawihonaah, Finance Minister Pranab Mukherjee chuan, tun hnaia India ram hausakna leh hmasawna dinhmun a tlakhniam deuh avangin, deficit tih tlem leh, a theih kawng zawnga sum hman theih tlem dan ber turin sawrkar laipui chuan tan a khawh dawn thu a sawi a, amaherawhchu chia tur a ni lo a ti.

Hetihlai hian Finance Ministry hnuiaia Expenditure Department chuan tun Parliament session kallai zawh atangin deficit-a sum hman tih tlem leh, in renchem theih dan tura tax kalphung leh ruahmanna hrang hrang duan te tih fel anih tur thu, Finance Minister Pranab Mukherjee chuan New Delhi thutharlakhawmtute a hrilh.

<><><>

#### Central Educational Institutions (Reservation in Admission) Amendment Bill 2012

Nimin khan Parliament-in, The Central Educational Institutions (Reservation in Admission) Amendment Bill 2012 a pawm.

The Central Educational Institutions (Reservation in Admission) Amendment Bill 2012 hi Rajya Sabha-ah passed a ni tawh a, nimin khan Lok Sabha-ah passed a ni leh a ni.

He Amendment Bill hian, Central-a zirna institution-a OBC quota kum 3 atana za-a 27 pek ni thin chu kum 6 atan pawhsei a ni dawn a , Supreme Court-in a phal chin bak OBC quota atana reservation hman zawhna institution-te chu awl tir an ni dawn a ni.

The Central Educational Institutions (Reservation in Admission) Amendment Bill 2012 –in House-a inhnia a thlenah, Human Resources Minister Kapil Sibal chuan, zirnaite hamthatna tur berin theih tawpin sawrkar laipui chuan hma a lak thu a sawi a, zirna quality sang tak neihna turin hna an thawk zel dawn a ti bawk.

<><><>

## **The North Eastern Areas (Reorganisation) and Other Related Laws (Amendment) Bill, 2012**

Meghalaya, Manipur leh Tripura-a a hran theuh a High Court din theihna tur duan telna - The North Eastern Areas (Reorganisation) and Other Related Laws (Amendment) Bill, 2012, nimin khan Parliament-in a pawm.

He Amendment Bill hi Lok Sabha-ah passed a lo ni tawh a, nimina Rajya Sabha-a putluh a nih leh hnu ah, 'voice vote' hmangin passed leh anih avangin, Parliament chuan Dan a hman turin a pawm ta a ni.

Nimina Rajya Sabha-a sawihonaah, Union Home Minister P Chidambaram chuan, Meghalaya, Manipur leh Tripura-a High Court hran din chu, hun rei tak atang tawh a he state 3 mamawh tak anih thu a sawi a, amaherawhchu, High Court sak nana hmanrua leh tul mamawh tih ngei ngei ngai te, duh ang a rang a tih theih anih loh vang zawk a la sak loh anih thu, a sawi bawk a ni.

<><><>

## **JEAN-MARC AYRAULT TAKES OVER AS FRANCE'S NEW PM**

Jean-Marc Ayrault chu France Prime Minister atan lakluh a ni.

Tun thla ni 15-a France President atana Francois Hollande lakluh anih hnuah, hnu rei tak atanga a thian tha lo ni tawh Jean-Marc Ayrault chu Prime Minister atan Hollande hian a ruat a, nimin khan thu tiamtir anih hnuah lakluh a ni.

Jean-Marc Ayrault hi tuna France President Hollande ang bawkin ministerial hna la chelh ngai lo a ni a, Prime Minister chhuak ta Francois Fillon a thlak hma hian Nantes khawthlang lama Mayor hna a thawk a ni.

France President thar Francois Hollande hi kum 17 hnua French Socialist Party President nihna chelh hmasaber a ni a, President anih chuan, cabinet a ruata a chenve chu hmeichhia ten an chan dawn thu a lo tiam a, amahaerawhchu a party-a hmeichhe politician hlun ber zinga mi Martine Aubry chuan a zawm dawn lo ni a sawi a ni.

<><><>